

Aethiopia

ABISSINORVM REGNUM

567

Angote regnum numo caret, utuntur pro eo salis & ferri globulis. *Amara* nomen habet a Monte in quo Imperatoris Filij firmo & vigili praesidio servantur, ut defuncto Imperatore heres educatur. *Fluvij* in hoc Regno duo memorabiles per Aethiopiam labentes *Abanhi*, qui *Astapus* Ptol. & *Tacassi* qui Ptol. *Astaboras*, in quem *Flumina.* complures alij amnes confluunt. Fons Abanhi est *Barcena Lacus* amplissimus sub Aequinoctiali jacens, in quo plures Insulae. Hic lacus est *Coloe Palus* Ptolemæi. Incolæ Christianam religionem profitentur, eorumque Fidei articuli praecipui sunt hi. Credunt in unum *Deum* Creatorem Caeli ac Terræ, in tres Personas distinctum. *Deum* *Incolarum mo-*
Patrem, Deum Filium ex Patre ab æterno genitum: qui pro nobis carnem assumpsit, mortuus est, & resurrexit; *res.*
& *Deum Spiritum Sanctum* ex Patre & Filio procedentem. Hæc summa est totius religionis. Verus Testamentum cum Novo sic conjungunt, ut ritus nonnullos Iudaicos & Christianos sequantur. Infantes omnes masculos pariter & femellas, octavo ætatis die circumcidunt. Nullā tamen salutem circumcisioni adscribunt, quam in sola fide in Iesum Christum collocant. Sed ad quadragesimum diem masculos, ad octogesimum vero femellas, nisi aliqua ægritudo festinationem desideret, baptizant. Singulis annis Baptismum renovant, tam in adultis, quam in infantibus, proferentes hæc verba. *Ego te baptizo in nomine Patris, Filij, & Spiritus Sancti.* Hunc morem a Majoribus acceptum sancte observant, non ut primum Baptismum extenuent, aut infirmant, sed ut a peccatis absolutionem singulis annis consequantur. Administrationem Cænæ Domini sub utraque specie observant, tam Laici, quam Clerici. Confirmationem & extremam Vnctionem neque pro Sacramento habent, neque usurpare solent. Sabbathum æq; ac Diem Dominicum ab opere immune habent, veteri Christianorum more. Legis usum illum maximum esse putant, ut peccata nobis ostendat: servari vero a nullo mortalium posse excepto Iesu Christo, qui eam pro nobis implevit, credunt. Sanctos quidē amant & venerantur, sed non invocant. Mariam Christi Matrem magno honore afficiunt, non tamen adorant, neque opem ejus implorant. Conjugium Clericis & Presbyteris non minus quam Politicis permissum est. Omnem fornicationem & libidinem puniunt. Habent Patriarcham Ecclesijs praesidentem, Virum perspectæ Probitatis, gravem bonæ Doctrinæ & provectæ ætatis: cuius munus est Ecclesiasticos Status in unione conservare, Ecclesiasticam Disciplinam tueri, ac rebelles excommunicare. Episcoporum, aliorumque Ecclesiasticorum electio, penes solum Regem manet.

Ffff iij

Regnum